

Broj: 01-07-07/2-14-2-978
Sarajevo, 10.10.2018. godine

Na osnovu člana 22. stav (3) Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine ("Službeni glasnik BiH", br.:39/14), Federalni ministar unutrašnjih poslova, **d o n o s i**

O D L U K U

o izboru najpovoljnijeg ponuđača za javnu nabavku radova po LOT-ovima u toku 2019. godine putem otvorenog postupka za potrebe Federalnog ministarstva unutrašnjih poslova - Federalnog ministarstva unutarnjih poslova

I

Na osnovu odredbi člana 69. stav (1) tačka a) i člana 70. Zakona o javnim nabavkama BiH ("Službeni glasnik BiH", br.:39/14), a na osnovu Odluke o pokretanju postupka javne nabavke radova po lotovima u toku 2019. godine putem otvorenog postupka, broj: 01-06-06/3-14-2-978 od 27.7.2018. godine i objavljenom Obavještenju o nabavci, broj: 405-1-3-62-3-20/18 ("Službeni glasnik BiH", broj 63/18) od 14.09.2018. godine, zaključuje se Okvirni sporazum za nabavku LOT 1 – građevinsko-zanatski i instalaterski radovi u toku 2019. godine.

II

Okvirni sporazum za nabavku LOT 1 - građevinsko-zanatski i instalaterski radovi u toku 2019. godine, putem otvorenog postupka zaključuje se sa ponuđačem „GALBOLS“ d.o.o. Sarajevo koji je dostavio najbolje ocijenjenu i prihvatljivu ponudu sa ukupno 100,00 bodova, u iznosu od 76.842,09 KM (sa PDV-om).

III

Obavezuje se Sektor za materijalno-finansijske poslove Federalnog ministarstva unutrašnjih poslova da prilikom pripreme za dodjelu okvirnog sporazuma postupa u skladu sa odredbama Zakona o javnim nabavkama BiH ("Službeni glasnik BiH", broj: 39/14).

O b r a z l o ž e n j e

Komisija za provođenje postupka javne nabavke radova po LOT-ovima: LOT 1 - Građevinsko - zanatski i instalaterski radovi, LOT 2 - Molersko - farbarski radovi, LOT 3 - Radovi na preventivnom i inerventnom servisiranju kotlovnica, u toku 2019. godine, za potrebe Federalnog ministarstva unutrašnjih poslova, imenovana Rješenjem ministra, broj: 01-07-07/2-14-2-978 od 27.09.2018. godine, putem otvorenog postupka broj: 01-06-06/3-14-2-978 od 27.7.2018. godine i broja Javne nabavke: 01-06-06/3-14-2-281/54, provela je otvoreni postupak za nabavku radova.



U skladu sa kriterijima postupka javne nabavke, za dodjelu Okvirnog sporazuma predviđenog u Tenderskoj dokumentaciji, Komisija je utvrdila da je do 01.10.2018. godine, kao krajnjeg roka dostave ponuda, pristigla samo jedna ponuda - za LOT 1 - građevinsko - zanatski i instalaterski radovi.

Pregledom, analizom, razmatranjem i ocjenom a u skladu sa članom 65. Zakona o javnim nabavkama BiH, Komisija je utvrdila da je pristigla ponuda od strane ponuđača „GALBOLS“ d.o.o Sarajevo, za LOT 1 prihvatljiva za Ugovorni organ, jer ispunjava sve uslove za kvalifikaciju navedene u Tenderskoj dokumentaciji i da je cijena ponude u okviru procijenjene vrijednosti javne nabavke.

Ponuđač „GALBOLS d.o.o. Sarajevo dostavio je ponudu u iznosu od bez PDV-a odnosno 76.642,09 KM (sa PDV-om) i garantnim periodom – rokom 24 mjeseca, te je navedena ponuda dobila maksimalan broj bodova 100, te shodno tome, kao jedina pristigla ponuda predstavlja najbolje ocijenjenu i prihvatljivu ponudu za Ugovorni organ, jer je u ovome postupku predviđeno da se okvirni sporazum zaključuje sa jednim ponuđačem, te je odlučeno kao u dispozitivu.

Pouka o pravnom lijeku: Protiv ove odluke dopuštena je žalba koja se podnosi Ugovornom organu u pisanoj formi u roku od 10 (deset) dana od dana prijema iste, a u skladu sa članom 99. i 101. stav (1) tačka d) Zakona o javnim nabavkama Bosne i Hercegovine.



Dostaviti:

1. Ponuđač
2. Sektoru za materijalno- finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis
5. a/a

SM/AZ/ZB/EK

FMUP- ODL

Bosna i Hercegovina, 71 000 Sarajevo, M. Spahe 7, telefon (+387 33) - 280-020, lokal 3110, fax (+387 33)-590-217, www.fmup.gov.ba

